

Kurpfälzer Drabble-Battle

Heimattage 2025

Weinheim

Teilnehmer der Finalrunde
Wendelinus Wurth



**DACHVERBAND
DER DIALEKTE**
Baden-Württemberg



Min Katz

Si kunnt nit, wenn i si kraule will, si kunnt, wenn si krault werre will. Nor stippert si ihr Kopf fescht gege min Hand, immer wider, wenn i vum Kopf im Schwanz zue strichel. Un glich heer i au, wie si schnurrt debi. Zwischedurich streift si nor d reecht Sit vum Kopf an minre Hand lang un au d link. Des kaan schun e paar Minute lang eso gih. Un s tuet mir guet un ihre au. Un manichmol, us luter Wolluscht, pfetzt si mi e wing in de Arm. Un wenn si nor gnue het, läuft si eifach devu.

Großgosche

Mir bringe s Mul nit uf, wen uns d Gosch nit vebrenne, wote kei Blatt vor s Mul nemme, hänge ne s Mul aa, verrisse uns s Mul iwer si, allewil am Rummule. Mr waarte uf einer, wu d Gosch ufrisst, wu nit uf s Mul kejt isch, einer wu d Gosch voll nimmt, im Volik uf s Mul luegt, uns nooch em Mul schwätzt, einer, wu sich trout s Mul ufmache. Mr werre Mul un Nas ufsperre, hoffe, ass mr nit uf d Gosch kriege oder uf d Gosch fliege. Insgheim hoffe mr: E großi Gosch un nix dehinter ...

D blutt Hut

D blutt Hut weiß es eifach. S denkt re noch guet, wie s emol agfange het. D blutt Hut brucht d blutt Hut un suecht drum andri blutti Hut. Arm un Arm nemme zwei andri Ärm in Arm. Ei Hand suecht e andri Hand. Ei Hand nimmt e andri in d Hand. D Finger fingre d andri Finger. Fingerspitze an Fingerspitze. D Lippel sueche flissig andri Lippel. Zwei Zungespitze zingle mitenander untrenander umenander iwrenander anenander. D Fingerspitze fingre d Nippel. D Lippel sueche Nippelspitze. Was isch des doch fir e wunderbars Spiil: D blutt Hut suecht allewil d blutt Hut.